



BILTEN - NEWSLETTER

**APRIL 2025
JUNI 2025**



...jer nam je stalo!

ToT (Trening za trenere)

Zenica, (02.04. - 03.04.2025.)



Početkom aprila u Zenici, treningom za trenere (ToT) počele su pripreme za javnu kampanju koju će Koalicija „Pod lupom“ i njenih 40 organizacija članica realizovati u 50 opština i gradova u BiH u tekućoj, neizbornoj godini, s ciljem rada na unapređenju izbornog procesa u BiH, ali i edukacije građana i građanki o izborima.

Treneri za trenere su na ovom treningu edukovani za efikasno vođenje i koordinaciju aktivnosti usmjerenih na unapređenje izbornog procesa i sprovođenje edukativnih aktivnosti.

Stručna konferencija: 'Nove izborne tehnologije: Iskustva s lokalnih i primjena na općim izborima'

Sarajevo, (22.04.2025.)

Koalicija „Pod lupom“ i Centralna izborna komisija BiH (CIK BiH) su uz podršku Democracy International-a u BiH organizovali stručnu konferenciju posvećenu razmjeni iskustava i perspektivama uvođenja novih tehnologija u izborni proces BiH pod nazivom 'Nove izborne tehnologije: Iskustva s lokalnih i primjena na općim izborima'.

Konferencija je okupila širok spektar učesnika, predstavnike/ice CIK BiH, lokalnih izbornih komisija, posmatračice/ice koji su sproveli analizu pilot izbornih tehnologija, druge aktere civilnog društva, medije, kao i bilateralne i multilateralne partnere.



U okviru programa konferencije urađena je demonstracija rada optičkih skenera i biometrijske identifikacije. Ova demonstracija omogućila je učesnicima/ama da iz prve ruke sagledaju kako izborne tehnologije funkcionišu, te na koji način unapređuju izborni proces.

...jer nam je stalo!



Na panel diskusiji 'Iskustva sa Lokalnih izbora 2024. godine' učešće su uzeli Uma Isić, stručnjakinja za izgradnju izbornog kapaciteta ispred DI-ja, Selma Zundža, predsjednica Općinske izborne komisije Vogošća i Dario Jovanović, projekt menadžer Koalicije „Pod Lupom“.

Na panel diskusiji je zaključeno da su nove izborne tehnologije uspješno testirane na Lokalnim izborima 2024. godine, te kako se sa pripremama za njihovo uvođenje za Opće izbore 2026. godine treba početi čim prije.

Na panel diskusiji 'Primjena izbornih tehnologija na Općim izborima 2026. godine' učešće su uzeli Irena Hadžiabdić, predsjednica CIK-a BiH, Tihana B. Blanč, direktorica Projekta podrške izbornom integritetu (DI), Ahmed Rifatbegović, politički savjetnik Šefa Misije OSCE BiH i Dario Jovanović, projekt menadžer Koalicije „Pod lupom“.

Na panel diskusiji je zaključeno da su prioriteti u narednom periodu: osiguranje finansijskih sredstava za uvođenje novih izbornih tehnologija do proljeća i sprovođenje javnih nabavki za nove tehnologije, te početak tehničke implementacije i softverskog prilagođavanja najkasnije do oktobra, potom stabilnost Izbornog zakona BiH i njegove potrebne izmjene najkasnije do jeseni 2025. godine, jačanje institucionalnih kapaciteta CIK-a te edukacija izborne administracije i birača.

Cijela konferencija 'Nove izborne tehnologije: Iskustva s lokalnih i primjena na općim izborima' može se pogledati na YouTube kanalu CIK BiH.

Studijska posjeta posvećena razmjeni iskustava u oblasti posmatranja izbora

Sarajevo, (23.04. - 25.04.2025.)



Koalicija „Pod lupom“ je organizovala studijsku posjetu tokom koje su ugostila kolege iz organizacije CRTA iz Beograda, s ciljem razmjene iskustava u oblasti posmatranja izbora. Tokom trodnevnog susreta, učesnici su razgovarali o inovacijama i savremenim pristupima u izbornim forenzikama, kao i o izazovima i praksama u izornoj administraciji.

U okviru programa, učesnici su prisustvovali konferenciji Centralne izborne komisije Bosne i Hercegovine pod nazivom „Lokalni izbori 2024. – lekcije za budućnost“, gdje su razmijenjeni ključni nalazi i preporuke za unapređenje izbornog procesa.

...jer nam je stalo!

Javna kampanja za bolje izbore u BiH

Bosna i Hercegovina, (19.05.2025.)



Travnik



Čajniče



Banja Luka

Koalicija „Pod lupom“ pokrenula je javnu kampanju koju koordinisano provodi njenih 40 organizacija članica u 50 opština i gradova u Bosni i Hercegovini u tekućoj, neizbornoj godini, s ciljem rada na unapređenju izbornog procesa u BiH, ali i edukacije građana i građanki o izborima.

Kampanja uključuje zagovaranje ključnih preporuka za unapređenje izbornog procesa u BiH, sprovođenje informativno-edukativnog programa „Akademija za fer izbore“ i edukativnog programa „Prvi put biram“ za mlade koji će prvi put glasati kada se budu održavali Opšti izbori 2026. godine.

Primarni cilj navedenih programa je jačanje demokratske kulture u bh. društvu općenito, uz fokus na veće učešće mladih u izbornom procesu.

Želimo u što većem broju lokalnih zajednica ukazati na važnost slobodnih i poštenih izbora te ohrabriti građane da budu aktivni sudionici u izbornom procesu. Ne čekamo izbornu godinu da bismo radili na promjenama – sada je pravo vrijeme za djelovanje.

Javna kampanja u brojkama

316	novouključenih aktivista/ica u naše aktivnosti
32	organizovane Akademija za fer izbore
401	certificirani polaznik/ica Akademije za fer izbore
203	sastanaka sa donosiocima odluka i izbornom administracijom
1000+	građana/ki direktno uključeno u aktivnosti javne kampanje

...jer nam je stalo!

Jačanje vidljivosti organizacija civilnog društva

(01.04.2025. - 30.06.2025.)



VIPK Konjic



Zoom Zvornik



ORC Tuzla

U okviru kontinuiranih napora da poveća vidljivost organizacija članica, Koalicija „Pod lupom“ kontinuirano radi na razvoju i promociji kratkih videa koji predstavljaju rad i misiju svake organizacije članice Koalicije "Pod lupom".

Videi omogućavaju građanima i građankama da se na pristupačan način informišu o osnovnim ciljevima organizacija članica, njihovom angažmanu na jačanju izbornog integriteta, kao i o širem kontekstu njihovog djelovanja u lokalnim zajednicama.

U periodu od maja do juna 2025. godine kreirano je šest novih videa koji su zabilježili ukupno 68.488 pregleda na YouTube kanalu Koalicije "Pod lupom". Ukupno je do sada razvijeno i promovisano 12 videa čiji broj pregleda trenutno iznosi 111.330.

Videi su dostupni na zvaničnom YouTube kanalu Koalicije „Pod lupom“, gdje nastavljaju služiti kao vrijedan resurs za edukaciju, informisanje i promociju građanskog aktivizma općenito ali i u izbornim procesima.

Zaštita izbornog prava

(01.04.2025. - 30.06.2025.)



U periodu od aprila do juna 2025. godine, Centralna izborna komisija BiH (CIK BiH) izrekla je novčane kazne u iznosu od **60.000 KM** po prijavama Koalicije "Pod lupom" za učinjene izborne nepravilnosti.

Ukupan iznos izrečenih novčanih kazni za izborne nepravilnosti po prijavama Koalicije "Pod lupom" zaključno sa junom 2025. godine iznosi **342 500 KM**.

CIK BiH je u periodu od aprila do juna 2025. intenzivirala obradu ukupno 442 prijave Koalicije "Pod lupom" za različite izborne nepravilnosti, te poslala preko 100 odgovora u kojim u najvećem broju slučajeva odbija prijave po različitim izgovorima, koji su često u suprotnosti sa postupanjima u prethodnim slučajevima.

Koalicija „Pod lupom“ će izraditi dodatnu analizu navedenih postupanja po prijavama i problematizirati izbjegavanje izricanja sankcija za dokazane nepravilnosti u komunikaciji sa CIK BiH i drugim relevantnim sagovornicima.



www.podlupom.org



[instagram.com/
/pod_lupom](https://www.instagram.com/pod_lupom)



[facebook.com/
koalicijapodlupom](https://www.facebook.com/koalicijapodlupom)



[youtube.com/
@koalicijapodlupom](https://www.youtube.com/@koalicijapodlupom)



[linkedin.com/
company/podlupom](https://www.linkedin.com/company/podlupom)



[x.com/
pod_lupom](https://x.com/pod_lupom)